

ՆԵՐԿԱՅԱՆԱԼ ԲԱՑ ՃԱԿԱՏՈՎ

Posted on February 14, 2014 by Keghart



Category: [Opinions](#)



Դոկտ. Մինաս Գոճայեանի «Մորմոքող Անցեալի Արահետներով. Ուխտագնացութիւն Դեպի Պատմական Հայաստան» Գիրքին Գինեձօնը, Պէյրուք

Keghart.com կայքի հայերէն բաժնի խմբագիր Դոկտ. Մինաս Գոճայեան անցնող Յունուարին անակնկալ շրջագայութեամբ այցելեց Նիկոսիա, Պէյրուք եւ Երուսաղէմ: Բարեկամներու եւ նախկին աշակերտներու շտապ կարգադրութեամբ գինեձօններ մատուցուեցան Նիկոսիոյ եւ Պէյրուքի մէջ՝ արժանանալով տեղական մամուլի գնահատանքին ու լայն անդրադարձին: Ստորեւ կը ներկայացնենք yerepouni-news.com քոյր կայքի հաղորդագրութիւնը:- Խմբ.

«[Էրեբունի](#)», 20 Յունուար 2014

✘ Հինգշաբթի երեկոյեան, «Կամար» գրական անկախ պարբերաբերթի կազմակերպութեամբ, Լիբանանի Չալքայի Հայ Կաթողիկէ Սուրբ Խաչ եկեղեցւոյ սրահին մէջ, Լիբանանի մօտ Հայաստանի հանրապետութեան դեսպանատան առաջին քարտուղար Վարդան Ադամեանի եւ Տիկ. Վարդանեանի, Հայր Սեպուհ Կարապետեանի, մտաւորականներու, բարեկամներու հոծ ներկայութեան, տեղի ունեցաւ սփիւռքահայ ծանօթ մտաւորական, կրթական մշակ, հրապարակագիր Դոկտ. Մինաս Գոճայեանի նոր հրատարակութեան՝ «Մորմոքող Անցեալի Արահետներով. Ուխտագնացութիւն Դեպի Պատմական Հայաստան» գիրքին գինեձօնը:

Դոկտ. Մինաս Գոճայեանի «Մորմոքող Անցեալի Արահետներով. Ուխտագնացութիւն Դեպի Պատմական Հայաստան» Գիրքին Գինեձօնը, Պէյրուք

Keghart.com կայքի հայերէն բաժնի խմբագիր Դոկտ. Մինաս Գոճայեան անցնող Յունուարին անակնկալ շրջագայութեամբ այցելեց Նիկոսիա, Պէյրուք եւ Երուսաղէմ: Բարեկամներու եւ նախկին աշակերտներու շտապ կարգադրութեամբ գինեձօններ մատուցուեցան Նիկոսիոյ եւ Պէյրուքի մէջ՝ արժանանալով տեղական մամուլի գնահատանքին ու լայն անդրադարձին: Ստորեւ կը ներկայացնենք yerepouni-news.com քոյր կայքի հաղորդագրութիւնը:- Խմբ.

«[Էրեբունի](#)», 20 Յունուար 2014

✘ Հինգշաբթի երեկոյեան, «Կամար» գրական անկախ պարբերաբերթի կազմակերպութեամբ,

Լիբանանի Չալքայի Հայ Կաթողիկե Սուրբ Խաչ եկեղեցւոյ սրահին մէջ, Լիբանանի մօտ Հայաստանի հանրապետութեան դեսպանատան առաջին քարտուղար Վարդան Ադամեանի եւ Տիկ. Վարդանեանի, Հայր Սեպուհ Կարապետեանի, մտաւորականներու, բարեկամներու հոծ ներկայութեան, տեղի ունեցաւ սփիւռքահայ ծանօթ մտաւորական, կրթական մշակ, հրապարակագիր Դոկտ. Միհաս Գոճայեանի նոր հրատարակութեան՝ «Սորմոքող Անցեալի Արահետներով. Ուխտագնացութիւն Դեպի Պատմական Հայաստան» գիրքին գինեծօնը:

Հանդիսութեան բացումը կատարեց «Կամար» պարբերաթերթի խմբագրապետ, մատենագետ, կրթական մշակ Ժիրայր Դանիելեանը եւ բարի գալուստ մաղթեց ներկաներուն: Ան հակիրճ ներկայացուց օրուան հեղինակը՝ Դոկտ. Միհաս Գոճայեանը, հասարակական գործիչը, մարդը, ուսուցիչը եւ յատկապէս շեշտելով անոր նկարագրային յատկանիշներէն՝ սկզբունքներուն հաւատարիմ, յանձնառու մտաւորականը, ըսաւ. «Մենք հաւաքուած ենք Միհասին ներկայութիւնը վայելելու այստեղ: Միհասին կենսագրութիւնը պիտի չներկայացնեմ, ներկաներուդ ջախջախիչ մեծամասնութիւնը այստեղ լաւ կը ճանչնան զինք: Ան եղաւ այն անձը, մտաւորականը, որ յանձնառու մարդու, յանձնառու հայու կեցուածք որդեգրեց: Չանագան պատճառներով իր քայլերը ուղղուեցան Լիբանանէն դուրս: Համաշխարհայնացումի համայնակով հովերը չկրցան ցնցել յանձնառու մտաւորականը: Ան մնաց հաւատարիմ իր յանձնառութիւններուն, հակառակ իր դէմ ցցուած բազում դժուարութիւններուն: Դժուարագոյն պայմաններու տակ իր տեսակետներուն ջերմ պաշտպանը մնաց: Մնաց պատնէշի վրայ: Երբ «Երիտասարդ Հայ»ը իբրեւ նոր երեւոյթ, երիտասարդական պոռթկում, Լիբանանի այս ափերուն սկսաւ լոյս տեսնել, Միհասը եղաւ «Երիտասարդ Հայ»ու ջերմ պաշտպաններէն: Ան հեղինակեց հայերէնի եւ հայոց պատմութեան դասագրքեր, որոնք մինչեւ այսօր կ'օգտագործուին Միացեալ Նահանգներու հայկական կրթօճախներու մէջ: Միհասը նաեւ 2005 թուականին լոյսին բերաւ «Զորք-Մարգպանի (Տեօրթեոյ) Յուշամատեան Պատմագիրք»ը, շեշտեց Ժիրայր Դանիելեան:

«Կամար» պարբերաթերթի խմբագրական կազմի անդամ Արամ Սեփեթեան հակիրճ կերպով կատարեց Դոկտ. Միհաս Գոճայեանի գրական ու մտաւորական արժանիքներուն, «Սորմոքող Անցեալի Արահետներով. Ուխտագնացութիւն Դեպի Պատմական Հայաստան» գիրքին արժեւորումը:

Ապա խօսք առաւ հեղինակը: Յարգելի մտաւորականը շնորհակալութիւն յայտնեց ձեռնարկը կազմակերպող «Կամար» պարբերաթերթի խմբագրութեան, որ իր Պէյրութ կատարած անակնկալ այցելութեան առիթով, շատ հապճեպ կերպով կազմակերպած էր սոյն գինեծօնը. «Շատ ելոյթներ ունեցած եմ: Ամիս չ'անցնիր, ուր ելոյթներ չունենամ Լոս Անճելոսի մէջ, 200 հոգիէն մինչեւ 25 հազար ներկաներու առջեւ: Բայց այսօրուան այս հանդիսութեան իմ կարճ ելոյթս, կեանքիս ամենալուրջ հանգրուաններէն մէկը պիտի ըլլայ: Կ'ուզեմ Ձեր առջեւ **ներկայանալ բաց ճակատով:** Երկար տարիներու գրական, հասարակական, կրթական վաստակովս կը ներկայանամ Ձեր բոլորին առջեւ». յայտնեց ան:

Դոկտ. Գոճայեան մատչելի ոճով, սահիկներու օգնութեամբ, շուրջ մէկ ժամ տեսողութեամբ մեզի փոխադրեց Արեւմտահաստանի եւ Կիլիկիոյ պատմական հողերը: Ան հարցուց թէ ինչո՞ւ գրած էր

այս գիրքը եւ պատասխանեց. «Գիրքը ապրումներ եւ մտորումներ են: Պատգամ մը փոխանցել մեր ժողովուրդին: Գացի իմ արմատներուս ծնունդ տուած հայրերուս հողը տեսնելու, գացի աւելի լաւ ճանչնալու այն մարդը, որ այսօր կը բնակի իմ պապերուս հողերուն վրայ, զոր մենք կը կոչենք Կիլիկիա եւ Արեւմտեան Հայաստան»: Ան նշեց, թէ սոյն աշխատութեամբ կը փափաքէր իր ներդրումը կատարել Հայոց Ցեղասպանութեան 100-ամեակին ոգեկոչման աշխատանքներուն մէջ: Ներկաներուն հաղորդակից դարձնելով իր ապրումներուն, Դոկտ. Գոճայեան ընդգծեց. «Այսպէս կոչուած այսօրուան Թուրքիոյ մէջ թուրքերը փոքրամասնութիւն են եւ բազմաթիւ թուրքեր, քիւրտեր, թաքուն հայեր ծագումով հայ են կամ երբեմնի ոչ-թուրք ժողովուրդներու յետնորդներ, բայց չեն գիտեր իրենց անցեալի մասին.» ընդգծեց ան:

Հանդիսութեան աւարտին, Ժիրայր Դանիելեան հրաւիրեց «Կամար» պարբերաթերթի խմբագրական կազմի անդամները, Վարդան Ադամեանը, Հայր Սեպուհ Վրդ. Կարապետեանը եւ Մեսրոպ Հայունին, որպէսզի տեղի ունենայ գինեծօնի արարողութիւնը: Ապա տեղի ունեցաւ կոկիկ հիւրասիրութիւն մը:

Անդրադարձ

[Ազատ Խօսք](#)

[Ազգակ Օրաթերթ](#)

